

մագրութեան Արուսահլի՝ կայ Յաւելուած՝
 թարգմանուած Աւ - Մաքրիզի պատմչին
 (+1441) գրած Եգիպտոսի քրիստոնէից
 եկեղեցեաց, 72 տեղեաց, և 86 վանորէից
 համառօտ ստորագրութիւն՝:

Յետ զասոնք յիշելու՝ չեմք կրնար չյի-
 շել խոր զգացմամբ՝ մեր նախնեաց յիշած
 և յանուանէ նշանակած, եօթանասունէն
 աւելի Հայոց վանքերը յԵրուսաղէմ և ի
 մերձաւոր տեղիս, զատ յեգիպտականաց,
 Լուսաւորչի օրերէն մինչեւ ի վերջ Ձ դա-
 րու՝ շինուած, բնակուած, նորոգուած և
 աւրուած: Միթէ զուտ ազգային հեղինակ
 մ'այլ՝ Արուսահլի և Շարուշթի նման չէ՞ր
 գրած չափաւորապէս (և աւելի քան զԱ-
 նաստաս վարդապետ մեր յ'է դարու²)
 ասոնց պատմութիւնը. կամ պիտի ըլլայ
 մէկ մի՞ որ հետաքննէ անոնց անհետացեալ
 տեղուանքը, և յերեւան հանէ անակնկալ
 և ոչ իսպառ անյուսալի նշխարքը, ար-
 ձանագրերն, և այլ ի՞նչ գիտեմ:

1. Միանգամայն թարգմանութիւն գրոց Արուսահլի
 ծանօթութեամբ. ք. Յաւելուածով, ցանկերով և յառաջա-
 քանութեամբ 400էն քիչ մ'այլ աւելի երես է, քառա-
 ծալ թերթերով, արաբերէն բնագիրն այլ 142 երես:

2. Բազմավէպ, Հատ. 10, էջ 23: